

欽定剿平三省邪匪方略

欽定剿平三省邪匪方略正編卷六十

戊午年

三年正月初五日

庚午

明亮德楞泰奏言首逆齊

王氏等自寬灘河剿敗後分股逃竄

臣

等查各

首逆中惟齊王氏最爲狡詐夥黨較多自宜先

籌剿蕩

臣

德楞泰率兵緊躡齊王氏捨命狂奔

從大紫壩溫家坪等處折竄俱係幽僻山道當

卽鼓勵將弁星夜急追于八廟河抄前襲殺十

七八等日連接四仗殺賊千餘名生擒李發祥
等一百五十七名黑龍江藍翎甲兵富明阿尤
爲驍勇出力因與賊攪殺左手二指被刀傷斷
猶能手刃二賊外委陳啟林頭帶石傷

臣

明亮

因恐齊王氏等被追緊急竄及西北樓道大路
遂率兵由廣元一路抄截行至九曲坡探知齊
王氏等分遣夥黨于廣元境內滋擾牽制官兵

十七日李全一股竄至旺倉壩焚掠

臣明亮率

兵迎頭截殺殲獲三百餘名該匪踉蹌奔逸官

兵追剿前進至元壩子地方又遇張漢潮阮學

明一股從該處竄出將撲廣元縣治闌入棧道

臣

明亮同興肇圖桑阿等分帶官兵抄擊自己

至未殺賊一千數百名生擒王先等二百十七

名搜獲南江縣儒學印信一顆餘匪乘山徑曲

折分向西南山內逃遁縣治得以保護查元壩

子地方離廣元棧道不遠且聞齊王氏一股大

隊復由曾家河一路西竄逼近棧道臣明亮遂

僭由廣元抄入棧道攔截二十二日馳抵神宣

驛正值齊王氏等竄入茅壩一帶欲由轉斗舖

衝入棧道當飭將弁扼住神宣驛要道親帶鎮

將兵丁馳至轉斗舖迎擊其時臣德楞泰已率

同賽冲阿温春等由曾家河前至黃壩驛兩面
並進首尾夾攻該匪分投抵禦并起上四面山
梁吶喊衝突

臣

等分飭官兵四下擊射斃賊六

七百名生擒張能舉等一百餘名該匪力不能
支俱逃入山內官兵乘銳追擊復斃賊二三百
人仍將官兵在青樹灣暫紮棧道得以疏通查
賊匪現竄之處山南係廣元所屬山北卽寧羌

地界訊據活賊等供稱齊王氏等因到處經官
兵攔截不能與川省同教會合商量分股將官
兵引入西南仍乘間折回北面陝省地界希冀
搶渡漢江等語臣等商定仍自西北從寧羗一
帶沿途偵探若該匪竟狂奔陝境卽從沔縣馳
赴漢中一帶迎擊務當乘賊窮蹙之時令其無
路可逃自當不攻而潰

同日宜綿惠齡奏言查王三槐徐添德一股賊
匪竄至大竹縣屬周家場高灘場一帶分屯散
處初十日賊匪分股由觀音橋鎖石橋一路掠
至黃泥壩經知縣張位中鼓勵鄉勇併力堵截
斃賊甚多匪衆不能直趨縣城遂于十一二等
日由花岩灘大了口一路攻撲梁山縣屬狐狸
嘴卡隘該縣知縣方積同把總宋福各帶鄉勇

分路馳擊盡斃賊目一名生擒劉高仁等一十五名奪回難民男婦大小七十餘名口匪衆敗退繞至貓兒寨一帶焚掠並分股滋擾沙河舖此梁山縣城三十餘里方積立即趕回縣城隨同明興防守城池總兵保興朱射斗由墊江一路偵探賊蹤保興酌分官兵繞道翻山馳赴梁山堵截朱射斗率叅將尤漢玉等跟蹤追剿十

四日進抵四方碑地方適有賊匪抗拒我兵奮力剿退十五日官兵正在拔營前進賊匪復至勢甚洶湧我兵分投剿擊斃賊三四百名同日並有賊匪攻撲達州屬平灘場卡隘經副將凝德督兵堵剿並在籍之安徽州判杜茂材行營千總王宋祿各帶鄉勇抄襲賊後互相截殺斃賊一百餘名生擒二十四名十八日復有賊匪

數千攻撲黃土場卡隘其勢直趨州城臣宜綿

卽由文家梁督率遊擊薛大烈帶領兵勇分爲

兩路馳擊自辰至申追剿三十餘里斃賊五六

百人生擒張正邦等一百二十四名臣維時臣惠

齡等由西鄉太平一路入川因聞賊匪擾及達

州大竹交界地方卽同富成穆維六十七等督

率官兵星夜遄馳亦于是日進抵達州屬連池

山正遇賊匪蜂擁而來我兵分路截剿斃賊二
三百名生擒胡元泰等九十七名各處餘匪俱
向新寧仁市鋪甘棠鋪一帶逃竄兩路官兵遂
卽會合伏念臣惠齡前因陝省各股竄匪闖入
川境誠恐夔州府巫山縣等處兵力空虛奏明
分兵馳往堵剿今賊匪分屯新寧縣屬並梁山
縣屬黑天池一帶俱係阻碍川東輓運之路是

以

臣

惠齡不敢逕赴夔州卽率現有官兵先赴

新寧梁山一帶與保興等相機剿辦疏通運道

宜綿又奏言

臣

接據舒亮穆克登阿知會白岩

山賊匪于初四初十等日分股下山攻撲營卡

冀圖逃竄均經官兵併力剿截斃賊二三百名

餘衆仍負嵎固守其鐵瓦寺一股竄匪總兵德

齡等跟蹤追剿賊匪詭詐異常乘官兵進抵開

縣之迴龍場地方正在紮營之際連次攻撲官兵施放鎗礮轟斃一二百名匪衆分投圍繞兩日不退遊擊布勒亨都司崔德寧俱因殺賊被戕道員李憲宜接據探報卽率典史張陳鉉帶領精壯鄉勇並知會遊擊張成卽帶防守開縣官兵二百名馳往援應十二日張成張陳鉉各帶兵勇涉水過河分路殺入匪衆始紛紛潰散

德齡等遂率兵衝出與張成等合兵一處卽於
大佛岩地方暫行駐劄相機攻擊又羅其清冉
文偉一股賊匪恃其人衆分屯儀隴營山渠縣
境內其攻掠渠縣靜邊寺一帶賊黨於初十日
分股滋擾營山縣屬九嶺子地方經總兵富爾
賽派令遊擊花良阿等帶領兵勇分投堵剿斃
賊一百餘名生擒十八名匪衆復于十二日焚

掠芙蓉廟距營山縣城八里經富爾賽率同該
縣謝惟良將縣城防守嚴密卽各帶兵勇分路
馳擊互相截殺斃賊多名匪衆退屯濟川橋駱
市場等處至陝省匪衆現在已由南江竄至廣
元縣屬百丈關分股闖入蒼溪縣屬烟鋒樓等
處並據探報英善已由保寧派撥兵勇前往蒼
溪防堵至儀隴境內屯聚賊匪臣已暫飭地方

官廣爲團練鄉勇嚴密防堵另籌剿辦均奏入
上命軍機大臣傳諭勒保宜綿明亮德楞泰惠齡曰
齊王氏等分投逃竄德楞泰率兵追剿明亮由廣
元抄截並迎擊李全張漢潮等廣元縣治得以保
護齊王氏等欲衝棧道復經兩面夾攻痛加殲殺
所辦尙好藍翎甲兵富明阿外委陳啟林均爲出
力著以應陞之缺陞用惟此次接仗殺賊仍未能

擒獲賊首一人該處道路如果險滑難行賊匪又
何以來去自如況齊王氏以一婦人尙能行走豈
有勁兵轉不能追剿之理明亮等仍著傳旨申飭
適據宜綿奏到截剿滋擾大竹梁山境內賊匪情
形所辦亦好其守城殺賊之文武員弁著查明實
在出力者咨部議敘又白岩山一股賊匪屢經官
兵截剿尙在負嵎固守而分屯儀隴營山渠縣之

賊亦尙輟轉奔逃老木園一股賊匪攻圍日久迄
未擒渠均屬遲緩舒亮觀成穆克登阿等尤當倍
加愧懼奮力進擊其殺賊被戕之遊擊布勒亨都
司崔德寧俱著咨部加等予卹

同日

上諭內閣曰秦承恩現丁母憂例應離任守制但該
撫現在興安一帶巡防軍務關係緊要且該撫在

陝日久地方情形及軍需事件皆爲熟悉未便遽
易牛手向來內外官員遇有丁憂事故朕俱令回
籍成服從不開在任守制之例至於辦理軍務則
非常例可拘古人原有墨經從戎者卽守禮之士
亦不敢以私廢公秦承恩仍著署理陝西巡撫在
任守制至每日辦公准其以素服視事遇有一切
典禮應用吉服者均不必與其在寓館時並仍准

其持服俾公務私情得以兩盡以示準情酌義格外體恤之意

初七日壬申秦承恩奏言臣由南山小路馳赴北

面近省一帶於洵陽途次接據鳳邠道王文湧報稱探得賊匪馬步數千人於二十四日竄至南鄭褒城地界滋擾該道以所帶兵勇僅止千數百人必須出奇邀擊方能以少制多查有距

縣城二十餘里之宗家營人烟稠密賊必竄往
搶掠該處地勢險要可以設伏隨將署遊擊蘇
維龍所帶兵丁一百名藩司陸有仁派往壯丁
二百名監生張顯名所練精健鄉勇一千名內
撥出八百名先分一半令蘇維龍同張顯名帶
領乘夜翻山至宗家營埋伏酌留一半王文瀾
自行帶領在離城數里外安營一面密飭署臺

城縣汪銓率同鄉勇在城防守毋稍喧嘩如賊人乘夜竄至卽令城上施放鳥鎗營中接放大礮賊必畏懼奔逃兵勇隨後追趕俟其竄近宗家營伏兵出其不意從中截擊黎明賊隊撲至城下汪銓同教職張峯典史白之斌督率鄉勇放鎗抵禦王文湧營中亦卽連放大礮整隊衝出賊知有備卽行奔竄王文湧督領兵勇緊隨

追趕汪銓亦挑帶守城鄉勇繼進賊果竄至宗
家營前隊馬賊甫在街口放火王文湧等追兵
趕到放鎗擊打蘇維龍同署把總崔節等監生
張顯名率同義首徐正勝武舉馬殿元等卽帶
領兵勇壯丁一齊衝出將賊匪大隊截斷我兵
前後夾攻殲賊八百餘人生擒四十五人兵勇
一無損傷餘匪向東北奔竄除仍飭王文湧鼓

勵兵勇嚴防雞頭關要卡並確探賊蹤相機截

剿外

臣

惟有與總兵王文雄趕赴北路探明賊

匪由何路奔逸卽繞出賊前迎頭兜擊再接再據

南鄭縣知縣何振權稟報竄匪高均德一股由

南江竄入南鄭岩方坪紅廟塘一帶滋擾常卽

飛札柯藩逕由寧羌汭縣趕回郡城堵剿並札

會愛呈阿嚴防江岸

臣

正在挑帶兵勇親赴漢

中剿辦間旋據漢興道文需稟報此股賊匪約有數千人內多騎馬之賊已于二十四日由南

鄭周家坪蹣跚竄過江北在府城西十餘里之

浣手寺一帶屯聚

臣

查賊匪既已竄至漢中北

岸該處路徑紛歧正北卽係棧道可由褒城留

壩而出寶雞鳳翔東北小路可由城固洋縣而

至五郎孝義均與省城切近此時省城一帶兵

備空虛

臣

若由興安趕赴漢中已在賊後萬一

賊匪日漸北竄前面無兵攔截深爲可慮

臣

得

信後卽帶領兵勇會同總兵王文雄兼程馳赴

近省一帶探明賊匪由何路奔竄卽抄出賊前

迎剿並飛咨明亮德楞泰酌分勁兵趕赴漢中

與柯藩愛星阿等會合兜剿又札飭王文湧遊

擊襲鐸等嚴防褒城雞頭關及五郎要路一面

咨會景安在豫省邊界豫爲布置防範

同日恒瑞慶成奏言

臣

等前於儀隴途次折回

保郡截剿竄匪因營山縣告急當卽帶兵兼程

遄行于二十二日行次徐家場距該縣城五六

十里沿途詢知賊匪在縣城三面圍困已十餘

日惟西門近河尙可通信城內有官兵防範未

致疎虞

臣

等一面密差弁兵進城知會總兵富

爾賽約于次日內外夾擊臣等于二十三日冒

雨馳抵該縣城北神堂寺山梁遙見賊衆在城

外層層圍繞烟火甚熾城內鎗礮之聲不絕向

外轟擊賊匪並不退散臣等與總兵觀祥副將

皂靈保德忠等率領馬步弁兵分三路直前進

攻賊匪分股前來抗拒官兵施放進步連環鎗

礮迎擊斃賊多名逆匪隨倒隨進抵死衝撲我

兵與賊短及相接都司馬鍾麒王名望千總祝
成龍等三員尤爲奮勇首先衝入賊隊手刃多
賊受傷陣亡臣等督兵自己至西奮力剿殺富
爾賽一間援兵到來帶兵出城向外衝突兩面
夾攻賊衆紛紛敗退城圍頓解官兵追殺十餘
里時已昏暮暫行紮住統計斃賊七八百名生
擒五十八名訊係羅其清等一夥現與王三槐

分開焚掠前來攻撲營山縣城並勾合本處新
起教匪黃逆等約有數千人當將各賊凌遲梟
示所有此次受傷陣亡弁兵另行查明咨部現
在敗匪俱已奔往縣東簡家壩一帶倚山負險
迴圍稻畦竹叢密匝兼之連日雨雪蹊徑泥滑
賊匪恃此藏匿臣等若遽由一面進剿勢必分
投逃竄復歸各川匪夥內現聞索費英阿等帶

兵在東北達州帶邊寺一帶堵截相距百里已
飛札知會帶兵前移聯絡聲勢趁賊負隅未遁
之時正可相機截殺以期早擒首惡先滅一股
醜類

同日英善奏言

臣

於烟鋒樓截剿賊匪後恒瑞

慶成已由營山一路進發

臣

隨選撥弁兵四路

偵探知蒼溪聞中交界之柏溪溝原蒼壩溜池

壩雙合場一帶尙有剿散餘匪或一二百人或百餘人爲一起於鄉村地方焚燒房屋脅逼居

民臣卽派知府王榮榮叅將皂祿知縣張利溥

抽帶兵勇二百五十名由溜池壩雙合場一路

搜捕派知州應先烈遊擊扎克丹德祿帶領兵

勇二百名由柏溪溝瞭蒼壩一路搜捕連日沿

途搜剿共殺賊三百餘名擒獲賊匪伍思用等

四十八名詢係賊匪李全王廷詔等股內之賊
被大兵衝散竄入各處搶掠亦有土匪隨同焚
掠者當將各犯正法梟示仍逐日派委各員分
路搜捕以安附近一帶居民惟查保寧一帶道
路叢雜處處可通各路賊匪一經剿殺恐又竄
入閬中蒼溪境內現在兵力無多不可不妥爲
防範

臣

仍帶兵於保寧扼要防守使賊匪不敢

卷之三
三
窺伺郡城卽恒瑞慶成亦可無後顧之慮均奏
入

上命軍機大臣傳諭勒保明亮德楞泰景安秦承恩
英善曰川省賊匪在川陝邊界往來奔竄其意原
欲牽掣官兵乘間折回向北竄擾今高均德一股
仍由南江折至漢中踰漢倫渡擾及北岸實爲可
惡漢江一帶係柯藩愛星阿田有成文肅等在彼

防堵何以致任賊匪竄過江北著秦承恩查明此
股賊匪究於何處偷渡係何人防守沃地據實嚴
行叅奏再王文湧旣於褒城將賊匪截殺多名何
以不乘勝將賊匪截回西南仍令竄至東北而柯
藩愛星阿等聞信後是否已經趕往截剿之處並
著一併詳晰覆奏至賊匪雖已擾及漢中但距西
安甚遠省城現有藩臬道府等大員且有駐防滿

兵賊匪自不敢心生窺伺秦承恩聞知賊匪折回
漢中之信自當卽赴漢中東北一帶迎頭截剿乃
轉由興安馳赴近省一帶堵剿未免迂遠倘賊匪
聞知秦承恩已離興安該處守備空虛直趨東北
豈不墮賊奸計現在賊匪擾至褒城經王文湧督
率弁員兵勇在宗家營設伏逆擊殲賊八百餘人
餘賊向東北奔竄業已大挫賊鋒且賊匪亦尙無

多秦承恩惟當與總兵王文雄速赴漢中東北出
機迎擊勿使賊匪又向東北奔竄擾及秦川兩雒
或竟從東北奔竄必由城固洋縣一帶擾及五郎
孝義地方該處距商雒較近與豫省接壤具安應
卽酌帶官兵速赴陝州邊境督率防範爲要再營
山賊匪祇係在城外焚掠縣城並未疎虞恒瑞等
到彼後總兵富爾賽卽帶兵出城內外衝突擊散

賊匪恒瑞等何得遽以保城無失爲功且賊匪經官兵剿敗後奔往縣東簡家壩一帶恒瑞等正當奮力圍擊將賊首羅其清冉文儔等速行擒獲乃並未乘勝進剿轉札令索費英阿前來協剿現在宜綿處兵力無多且離邊寺一帶賊匪正須上緊搜捕索費英阿豈能遽離該處即使索費英阿果能帶兵前來恒瑞等豈竟束手坐待倘索費英阿

不能分身恒瑞等竟卽任賊屯聚置之不辦耶恒
瑞慶成此次不但無功而且有過若再不知愧懼
迅速設法攻剿試思當得何罪其殺賊陣亡之都
司馬鍾麒等俱著咨部加等予卹又蒼溪聞中地
方俱有剿散餘匪滋擾業經英善派兵分路搜捕
淨盡保寧一帶道路叢雜各路剿散餘匪難保其
不又竄入聞中蒼溪境內英善務須扼要防守勿

使賊匪乘間闖入至明亮德榜泰前奏獲賊供內
有乘間折回陝省之語曾經陳及設法抄出北面
迎頭截剿今高均德一股竟從南鄭蹣淺渡江有
赴漢中滋擾褒城之事皆因明亮等未能將此股
賊匪悉數兜圍致令乘間擾及陝境大兵轉在賊
後適中賊匪牽綴誘兵之計明亮等無可辭罪著
傳旨嚴行申飭現在齊王氏姚之富等緊要賊首

俱尙在廣元境內而大兵勁旅均在明亮等一路
此時北路褒斜及東北洋縣城固一帶兵守究屬
稍單明亮等如能將齊王氏等一股賊匪趕緊殲
擒尙可將功折罪否則或仍將賊匪逼入川省界
內與勒保會合夾攻亦尙可稍贖愆尤倘既經疎
失於前復不能補救於後致後起賊匪齊王氏姚
之富等復有闖入陝境趕入高均德一股之事項

亮德楞泰自思當得何罪耶

初八日

癸酉

明亮德楞泰奏言

臣

等前在轉斗鋪

將齊王氏姚之富等股匪夾攻截殺該匪敗向

山內逃竄恐徒事尾追不能得力二十四日卽

取道寧羌由西北前進兜剿該匪圻竄廣元寧

羌交界二郎壩一帶

臣

等正在統帶進攻二十

七日接據漢興道文需稟報高均

一股賊匪

由南江折回南鄭縣屬之紅廟塘二十四日竄
至周家坪從兩卡之中繞小道北竄過江其時
柯藩在寧羌堵禦惟愛星阿在郡城防江聞信
卽先遣副將官信泰將達桑阿帶兵二百名馳
赴江北萬壽寺堵截復親帶兵二百名繼進截
剿斃賊二百餘名生擒六名賊匪由猴子嶺沙
園子繞赴郡城愛星阿馳回郡城督率兵勇竭

力擊禦賊匪敗向東北洋縣一帶逃遁以目下
賊情而論齊王氏爲各逆之魁自宜先籌剿蕩
以地勢而論高均德旣已渡江如東竄興安則
與西安省會甚近且界連豫楚秦承恩景安及
王文雄等所帶防堵之兵無多恐難逐處嚴布
卽愛星阿聞信緊追前往柯藩亦自寧羌挑撤
兵勇跟剿已由城固前至洋縣兵力均單且所

帶皆係步兵追剿未能捷速是以

臣

等卽連夜

帶兵由沔縣褒城馳抵漢中將防堵江岸事宜

布置妥協卽日前進趕緊截擊但齊王氏等匪

現于川陝交界滋擾亦須防其北竄漢江綿亘

千餘里水又淺涸處處皆可偷渡因酌留烏爾

圖那遜帶領山西兵五百名于寧羗要道防堵

又酌留荊州協領喜卜產帶領荊州滿兵二百

名于沔縣防堵至漢中爲郡城重地已酌留興
肇帶領荊州滿兵五百名督同文需帶該處兵
勇防禦柯藩爲本省提督呼應較靈且於江岸
情形熟悉應仍同愛星阿各帶原兵四千於川
陝交界及江岸一帶分布嚴堵不特防守江岸
正可截斷賊勢如該匪竟東竄西鄉一帶卽飛
咨惠齡帶兵由太平趕赴西鄉防剿如齊王武

等南竄川省計川省除向有各兵外現經勒保
帶到勝兵三千名又額勒登保剿賊完竣亦卽
帶兵赴川又有恒瑞慶成帶兵四千餘名協剿
足資分布臣等原帶官兵除添安各處防守並
前經添撥惠齡恒瑞慶成兩路外現帶勁旅及
滿漢各兵八千名臣等仍合兵二路星夜前進
跟蹤抄截速冀擒渠

同日景安奏言

臣

於初四日接准秦承恩來信

賊匪高均德一股約數千人竄過漢江該撫會

同王文雄帶兵抄赴北面迎截查豫省閭鄉一

帶近接潼關自應豫爲嚴密防範

臣

前因賊匪

竄入興漢恐其偷渡北趨先經集兵二千名駐

劄許襄適中之地以備策應現卽飛調徑赴閩

鄉

臣

卽日起程馳往該處察探賊蹤相機防堵

同日陸有仁奏言

臣

接據差探稟報逆賊高均

德一股竄至南鄭之浣手寺等處滋擾秦承恩

王文雄帶領兵勇遶出賊前截擊

臣

查寶雞鳳

翔一帶最關緊要當卽選派幹員前赴各該處

會同地方官添撥鄉勇設法堵禦並將渭河內

船隻盡行撤至北岸不使賊匪得以偷渡再五

郎廳東通鎮安北接省會前經秦承恩派委遊

擊龔鐸帶兵二百名在彼防守今撫臣馳至近
省地方設賊衆闖入五郎正可迎頭截剿至西
安省城南有秦嶺山路險仄有一夫當關之勢

臣

與署將軍花尙阿面商密行挑備精壯滿兵
五百名並久經訓練民壯五百名萬一賊氛漸

近

臣

與花尙阿卽商定一人守城一人帶領兵

勇前赴秦嶺扼要堵截該匪自不能飛越所有

北棧大路及南山小徑均經安設糧臺多僱夫
騾伺候供支賊匪現既北竄各路大兵自必折
回兜剿軍火糧餉臣已寬爲預備斷不致稍有
遲悞均奏入

上命軍機大臣傳諭勒保明亮德楞泰秦承恩景安
曰昨據秦承恩奏高均德一股由南江折回漢中
北岸經官兵在褒城邀擊餘匪向東北奔竄朕方

冀明亮等在川境將姚之富齊王氏李全等大股
賊匪先行殲獲則高均德一股人數無多又乏接
應無難一鼓掃蕩乃本日明亮等遞到之摺轉舍
姚之富齊王氏李全等大股賊匪於不問輒帶全
隊勁兵由沔縣褒城馳抵漢中追剿高均德僅留
烏爾圖那遜帶兵五百名協領喜卜產帶兵三百
名在寧羗沔縣防堵實屬大錯試思高均德一股

不過賊匪中十之一二且經王文湧愛星阿先後
截殺所餘無幾陝省又有秦承恩柯藩王文雄等
迎頭堵截自可杜其北竄之路何必遽率大隊官
兵來陝追剿况賊匪詭詐或令高均德折竄漢中
希圖牽掣官兵盡赴東北追剿而姚之富齊王氏
李全等得以乘間渡江赴陝滋擾豈不正墮賊計
若姚之富齊王氏李全等亦卽跟蹤而至川陝境

上更無勁兵攔截以明亮等如許勁兵尙任高均
德偷渡漢江北岸何況烏爾圖那遜等帶兵祇數
百名焉能截住大股賊匪若竟乘虛隨後竄入明
亮等豈不貽笑受敵乎明亮等聞高均德竄入漢
中之信自應派委明幹將領酌帶兵丁赴陝截剿
一面仍在川併力進擊將姚之富齊王氏李全等
剿除淨盡後再行北剿高均德一股方爲上策否

則明亮德楞泰二人中或酌分一人帶領勁兵二
三千北渡追剿既可與秦承恩夾擊高均德一股
而姚之富齊王氏李全等不致無兵攔截尙不失
爲中策乃伊二人茫無主見調度失宜本應將伊
等革職拏問治以貽誤軍機之罪姑念一時帶兵
乏人暫留立功贖罪著先將花翎拔去以示薄懲
明亮德楞泰惟當知愧知懼如姚之富齊王氏李

全等已隨後折回漢中伊二人能在陝境擒獲首
逆尙可稍贖罪愆或卽將高均德一股先行剿淨
再行回兵將姚之富齊王氏李全等洗蕩亦尙可
將功折罪設此旨到時明亮等已將高均德拏獲
卽著明亮帶領官兵十之二三在陝督剿德楞泰
帶兵十之七八速回川省幫同勒保剿辦尙仍前
因循貽誤則罪上加罪矣看來姚之富齊王氏李

全等大股賊匪或已同高均德折竄漢中而明亮
等不敢據實奏出祇以高均德一股折竄爲辭文
飾具奏若果如此則正應趁此首逆等聚集陝境
之時速行圍剿猶可稍贖重愆再高均德由南江
折回漢中北竄過江愛星阿等在彼防守不能截
住轉藉在郡城防守爲名馳回堵禦實屬規避疎
玩愛星阿亦應從重治罪先著革去花翎亦令戴

罪圖功以觀後效又據陸有仁奏籌備防堵事宜
所辦皆妥據稱西安省城南有秦嶺賊匪斷不能
飛越所見甚是現在高均德股匪已由褒城向東
北城固洋縣一帶奔竄秦承恩惟當與王文雄等
帶兵由五郎孝義一帶迎頭截剿速將此股賊匪
撲滅毋任前竄爲要至勒保在墊江大竹一帶剿
辦賊匪著接奉此旨後卽輕騎繞道迅赴漢中督

辦一切並查明亮等發摺時如齊王氏姚之富等
大股賊匪亦已偷渡漢江北岸而明亮等畏千重
罪不敢陳奏則欺罔之罪尤重勒保竟當叅奏至
愛星阿係防守漢江之員是否有避賊情事均著
據實查明嚴行叅奏至豫省相距較遠景安惟當
鎮靜防範勿致稍涉張皇也

臣
等謹案軍營帶兵大員於賊情之輕重緩

急兵行之遲速進退均應審度機宜間不容
髮此次明亮等正在進攻齊王氏姚之富大
股賊匪忽因高均德竄過漢江卽全行帶兵
馳抵漢中截擊僅留烏爾圖那遜等帶兵數
百名防堵齊王氏等股匪實屬措置乖方荷

蒙

聖明指示

訓飭諄諄又

慮及齊王氏等或已接踵折竄漢中明亮等不敢據

實具奏仰見

至誠先覺在遠不遺

披章燭照一無遁形凡身在行間者孰不敬畏而悅

服哉

初九日

甲戌

上命軍機大臣傳諭明亮德楞額泰承恩烏爾圖那
遜曰昨因明亮等奏高均德一股折回漢中伊等
帶兵至陝截擊所辦乖謬業經降旨訓飭今再四
思維明亮等卽欲留烏爾圖那遜等在寧羗一帶
防堵伊係原帶黑龍江官兵之人亦應將其原帶
兵丁酌量派撥庶可收指臂之效乃又計不及此
輒將綠營官兵給伊帶領以致兵將不能相識是

令其以素不相習之兵禦大黠猖獗之賊豈非置之死地焉能望其得力看來明亮德榜泰全不以軍務爲重惟知自擁強兵爲衛護之計此次剿除教匪以來各路軍營帶兵大員遇見賊匪不能奮力剿殺往往各自爲計競擇勇健之兵留爲自衛賊退作爲剿敗賊竄惟事尾隨虛報斬獲坐糜軍餉以致經年累月迄未成功從前永保惠齡等卽

蹈此弊今明亮等將大夥賊匪置之不顧又將勁
兵全行隨帶轉留綠營官兵委之烏爾圖那遜等
防堵此非伊二人擁兵自衛而何若以誅心而論
卽將明亮德楞泰照軍法從事亦所自取姑因一
時帶兵乏人暫予曲貸但僅拔去花翎尙不足示
懲所有明亮德楞泰前得之世職及優賞紫韁俱
著概行革去祇留本任職銜俾其戴罪圖功再秦

承恩王文雄已帶兵前赴漢中繞截高均德股匪
必須速行撲滅而興安與漢中相距亦不甚遠且
賊向東來此時秦承恩等往西迎去途次恰好相
值務將賊匪截住與明亮等會合擒拏加緊馳奏
至烏爾圖那遜當明亮德楞泰令帶綠營兵數百
名堵剿大夥賊匪之時亦不自揣足資抵禦與否
竟無一言見朕此旨亦當心服現在姚之富齊王

氏等大股賊匪烏爾圖那遜等究竟能否堵截不
令北竄並是否先與高均德一同偷渡明亮等前
奏不實有無迴護著烏爾圖那遜一併據實速奏
不可代人受過也

十二日丁丑恒瑞慶成奏言前臣等馳抵營山解

散圍城後賊匪退至簡家壩黃連垌一帶山梁

屯聚臣等於二十四五等日率領弁兵奮力攻

擊詎該處竹叢密匝水田層疊徑通一綫馬隊
難馳逆匪恃險抗拒一時不能得手臣等復於

二十七日另覓路徑與侍衛將弁皆徒步帶兵
分隊直前進攻賊寨賊匪分蹤潛伏於竹箐叢
密之處候官兵經過或從旁放鎗擲石或從隊
後繞截衝突經官兵殲殺一二百人擒獲十六
名並拏獲賊探甸希賢等訊據供稱此股賊目

羅其清自方山坪逸出其夥黨盡係同族親隣
攜帶家屬聚於一處又糾合儀隴營山黃道李
鄉約等土匪因王三槐冉文儔各差人約會以
營山爲成都順慶達州大路適中之地均欲來
此會合等語臣等連日親往簡家壩一帶週圍
相度必須前後兩路夾攻現在一面設法相機
攻擊一面飛札宜綿惠齡等酌量自達州分兵

前來以期合擊此股賊匪免勾結

同日觀成劉君輔奏言逆首陳崇德等節經官兵圍圍截殺困守益力於老木園西面之馬桑溪南面之白果坪東面之土地壩北面之茶園嘴周圍添紮卡隘捨命抵禦臣等正切籌思適有從賊巢攜帶家口投出之向登科訊係有名頭目因山上祿糧將盡挖取草根樹皮度日並

將山上婦女幼孩殘食是以潛逃下山乞命當
卽妥爲駕馭安撫據該犯稱惟有從深溝口黑
夜進攻佔得頭卡便可直搗巢穴自願隨同官
兵引路等察看情真維時雪已經旬深可沒
膝查看深溝雖係兩山壁立而攀援林木可以
潛進密派千總楊富貴鄉勇頭羅登朝帶同向
登科及奮力兵勇三十名從深溝口取道捫越

而上派叅將已朝龍佐領阿朗阿帶兵勇三百
名分爲四起各貫繼進派守備劉順署守備劉
忠魁帶兵一百名鄉勇二百名從小青杠進攻
臣

劉君輔帶同遊擊楊洪新弁兵四百名從大

竹溪進發搶撲土地垵

臣

觀成帶同遊擊愛隆

阿千總傳廷佐兵勇四百名從轎頂山進發搶
撲二層巖都司沈文同從樵風洞一帶施放鎗

礮率綴賊勢二十一日丑刻楊富貴帶同向登
科等冒雪覓路而上賊匪於此處據險設立木
卡雖有號火均已睡熟楊富貴等拋擲火彈賊
匪驚起投崖奔竄呂朝龍等所帶兵勇截殺賊
匪三十餘名遂將深溝頭卡佔住臣劉君輔帶
同官兵搶上大竹溪子峰尖石磴中行抵賊卡
縱火焚燬殺賊多名該處懸巖一線上通茶園

嘴當卽於上亞口扼要據住。觀成見兩面火起卽督同遊擊愛隆阿及員弁兵勇進撲二層巖賊匪倉惶抵禦我兵屢次搶上賊亦屢次壓

下

臣

飭令於轎頂山上連用大礮隔溝轟擊斃

賊紛紛天甫黎明將二層巖奪佔其小青杠亞口及樵風洞兩路牽綴之兵自辰至未連絡進攻賊匪上下奔跑抵禦二十二日晚大雪不止

臣

觀成派令員弁攜帶牛酒饌餅分犒各路兵

勇是夜四鼓

臣

劉君輔督率將弁兵勇從上塹

口進撲茶園嘴賊匪早經準備於深林密箐中

擲石放鎗勢甚兇悍兵勇頗有受傷向登科亦

中鎗陣亡

臣

劉君輔卽督催競進斃賊六七十

名當將茶園嘴賊卡奪佔

臣

劉君輔右膀亦受

石傷二十三日晚賊匪竟敢攻撲一層巖官兵

新佔隘卡意欲奪回

臣

觀成先已密令兵勇于

黑暗中四散埋伏趁勢襲擊殺賊三十餘名餘
匪竄上土地垵當飭弁兵乘勝追剿詎土地垵
賊匪蜂擁接應從石卡內施放鎗礮拋擲石塊
兵勇受傷過多隨即撤退署守備劉忠魁千總
楊富貴外委楊祿李均魁均受石傷此次日夜
接戰兵勇未免稍疲而賊匪强悍者不過七八

百人周圍尙有木城四五道惟有嚴飭各卡備
弁兵勇倍加小心圍剿勿令垂盡之賊致有竄
逸傷亡弁兵鄉勇另行查明咨部均奏入

上命軍機大臣傳諭勒保恒瑞觀成慶成曰恒瑞等
奏連日官兵攻剿營山屯聚賊匪情形並未將首
逆羅其清由文衛擒獲祇係空言塞責殊屬無謂
至所稱咨會宜綿惠齡等酌量自達州分兵前來

尤不成話試思宜綿一路兵力無多此時王三槐
徐添德一股賊匪在達州新寧一帶滋擾宜綿等
方且以少擊衆設法堵截焉能再分兵將赴恒瑞
等一路協剿耶再觀成等攻剿老木園賊卡不過
將深溝等處賊卡奪佔仍未能直搗賊巢實屬無
能已極且摺內稱賊匪糧食將盡挖取草根樹皮
度日並將山上婦女幼孩殘食老木園賊匪觀成

等攻圍日久賊匪安得有如許草根樹皮婦女幼孩充食況伊等士馬飽騰尙不能奮力進攻而賊匪飢餓窮蹙豈能抗拒官兵支持多日可見觀成等不過以按期發摺一次爲搪塞之計所奏全係虛言觀成劉君輔著傳旨嚴行申飭守備劉忠魁等所受石傷是否無妨其投出之向登科受傷陣亡並著查明家屬酌量賞卹